




26 დეკემბერი, 2022



ორშაბათი, №3 (2242)

„ახალი წელი მოვიდეს ჰარიან-წლიანი, სახლ-სარგებლიანი, მშვიდობისა, სიმართლისა და ჯარჯად ყოფნისა!“



მანია ტორაძე

შობა-ახალწლის დღესასწაულს ყველა განსაკუთრებით ველოთ. ეს მუდმივად ბავშვური აღტაცება კიდევ ერთი წლის შეგებებისა, იმედისა და ახალი ცხოვრების დაწყებისა განსაკუთრებულ აურას ქმნის და ოჯახურ დღესასწაულს შორის ყველაზე მეტად გამოირჩევა ტრადიციების სიმრავლით. საიდან იღებს სათავეს ეს ტრადიციები? რა დარჩა საუკუნეების მიღმა და რა შეინარჩუნა დღევანდელობამ — ამ თემაზე გვესაუბრება თსუ-ს ეთნოლოგიის სასწავლო-სამეცნიერო ინსტიტუტის ხელმძღვანელი, ისტორიის მეცნიერებათა დოქტორი, პროფესორი ქეთევან ხუციშვილი:

— კიდევ ერთხელ გავისხენოთ — რა საშობაო და საახალწლო ტრადიციები ჰქონდა საქართველოს?

— შობა-ახალი წელი გამორჩეული დღესასწაულებია ქართულ ყოფაში. ორივე შედის ზამთრის სადღესასწაულო ციკლში, რომელიც ბარბარობიდან იწყება.

ახალი წლის აღნიშვნის თარიღი ისტორიულად იცვლებოდა. დღეობათა ზამთრის ციკლი, ტრადიციულად, მის ბუნობას უკავშირდებოდა და ახალი წლის დასაწყისად მიიჩნეოდა. თუმცა იყო დრო, ახალი წლის ათვლას აგვისტოდან, სექტემბრიდან და მარტიდანაც კი იწყებდნენ.

მეთერთმეტე საუკუნიდან ახალი წლის აღნიშვნის საერო (1 სექტემბერი) და საეკლესიო (1 იანვარი) თარიღები თანაარსებობდა. მეჩვიდმეტე საუკუნიდან კი დამკვიდრდა ახალი წლის 1 იანვრიდან ათვლა. ზამთრის ათვლა საშობაო მარხვით იწყება. ამ მარხვის შუაში, 17 დეკემბერს, აღინიშნება ბარბარობის დღესასწაული — რაც, დასავლურ ქართული ტრადიციით, ზამთრის დღესასწაულების ციკლს ხსნის.



ბარბარობა/ბარბალობა მთელ საქართველოში გავრცელებული დღესასწაულია, რომელიც საფუძვლიანად შეისწავლა ვერა ბარდაველიძემ (ვ. ბარდაველიძე, „ქართველთა უძველესი სარწმუნოების ისტორიიდან. ღვთაება ბარბარ-ბაბარ“). ის ზამთრის ბუნობის დღესასწაულია, რომელიც განსაკუთრებით აღინიშნებოდა, რადგან ბედობასაც უკავშირდებოდა. ბარბარობას უქმობდნენ (ზოგან რამდენიმე დღესაც კი). აცხობდნენ რიტუალურ სართავიან პურებს, რითაც ხვავ-ბარაქიანი — სავსე წელი უნდა დაეხდებინათ. ძირითადად ლობინები ცხვებოდა, თუმცა სხვადასხვა მხარეში ყველიანს

83. 5

ნოემბერი

■ თსუ-ს პროფესორთა საახალწლო სურვილები 83. 3

■ ახალ 2023 წელს თსუ-ს ინსტიტუტების ხელმძღვანელები გვილოცავენ 83. 4

■ რა საახალწლო სურვილები აქვთ თსუ-ს სტუდენტებს? 83. 7



- ▶ თსუ-ს რექტორის არჩევნები 27 დეკემბერს გაიმართება
- ▶ სალომე დუნდუა თსუ-ს სოციალურ და პოლიტიკურ მეცნიერებათა ფაკულტეტის დეკანია 83. 2



■ „ახალგაზრდები ახალგაზრდებისთვის“ ფემინიზმის წინააღმდეგ საგანმანათლებლო აქტივობებს იწყებენ 83. 2

■ რამაზ გახოკიძე: ჩვენ კოსმოსს ვერ „მოვატყუებთ“ 83. 6


■ Liga TSU-ს ზამთრის თასის გოგონებისა და ბიჭების ჩემპიონატების დასკვნითი მატჩები გაიმართა 83. 10

■ სინდისის კაცი — ჯანსუღ კორძაიას დაბადებიდან 90 წლისთავი 83. 13

83. 7-10
სტუდენტური ფურცალი tsu.media

■ წავიდა ჩვენგან ერთი კარგი კაცი, რომელიც მთელს უნივერსიტეტში იყო ცნობილი 83. 15





ახალ 2023 წელს ტსუ-ს ინსტიტუტის ხელმძღვანელები გვილოცავენ

ქეთევან ეზრაიძე
პეტრე მელიქიშვილის სახელობის ფიზიკური და ორგანული ქიმიის ინსტიტუტის დირექტორი

პეტრე მელიქიშვილის სახელობის ფიზიკური და ორგანული ქიმიის ინსტიტუტის სამეცნიერო და ტექნიკური პერსონალის სახელით ვულოცავ ახალ 2023 წელს უნივერსიტეტელთა ყველა თაობას, მათ, ვისთვისაც ძვირფასი და მშობლიურია ივანე ჯავახიშვილის სახელობის თბილისის სახელმწიფო უნივერსიტეტი. უზომოა მისი დამსახურება ჩვენი ქვეყნის ყველა სფეროს აღორძინებასა და განვითარებაში. ჩვენი ვალა გვახსოვდეს და ღირსეულად ვპასუხობდეთ ახალ გამოწვევებს და ახალი მიღწევებით ვამდიდრებდეთ მის ისტორიას. მჯერა, რომ თბილისის სახელმწიფო უნივერსიტეტი კვლავაც მნიშვნელოვან წვლილს შეიტანს ქვეყნის განვითარებაში და კიდევ უფრო განიმტკიცებს წამყვან პოზიციას, რომელიც უმაღლეს საგანმანათლებლო სივრცეში დამსახურებულად უჭირავს.

მრავალ შობა-ახალ წელს დაესწარით, თანაუნივერსიტეტელებო! 2023 წელი წარმატებებით და პოზიტიური სიახლეებით გამოირჩეული წელი ყოფილიყოს ჩვენი საამაყო უნივერსიტეტისთვის და ყველა ჩვენგანისთვის!

მანანა კაკაბაძე
ტსუ-ს ალექსანდრე ნათიშვილის მორფოლოგიის ინსტიტუტის დირექტორი

ტსუ-ს ალექსანდრე ნათიშვილის მორფოლოგიის ინსტიტუტი გილოცავთ დამდეგ, ახალ 2023 წელს და გისურვებთ, რომ ეს წელი ივანე ჯავახიშვილის სახელობის თბილისის სახელმწიფო უნივერსიტეტის თითოეული თანამშრომლისთვის იყოს სიყვარულით, სითბოთი და სინათლით აღსავსე წელი. თითოეულის ოჯახში მეტი ხეავისა და მეტი ბარაქის მომტანი წელი, მეტი წინსვლის, ახალგაზრდების მეტი



განათლებისა და მეტი წარმატების წელი და მათ ცხოვრებაში რაღაც ახალი, საინტერესო და მნიშვნელოვანი ეტაპის დასაწყისი. გისურვებთ ბედნიერ ახალ 2023 წელს!"

ნუგზარ ღლონტი
ტსუ-ს მიხეილ ნოდიას გეოფიზიკის ინსტიტუტის დირექტორი

უპირველეს ყოვლისა, მშვიდობას ვუსურვებ უნივერსიტეტის სტუდენტებს, პროფესორ-მასწავლებლებსა და ტექნიკურ პერსონალს, სრულიად საქართველოს მოსახლეობასთან ერთად, რამეთუ დღევანდელ სიტუაციაში სწორედ ეს ფაქტორია ყველაზე მნიშვნელოვანი და აქტუალური. მინდა, შობა-ახალი წელი მივულოცო უნივერსიტეტისა და მასში შემავალი კვლევითი ინსტიტუტების სამეცნიერო პერსონალს, რომელთა შრომითი ანაზღაურება ყველაზე დაბალია განათლებისა და მეცნიერების სამინისტროს თანამშრომლებთან შედარებით. ვისურვებდი, რომ 2023 წელი ამ მხრივაც განსაკუთრებული ყოფილიყოს მათთვის.

დაბოლოს, დამდეგ შობა-ახალ წელს ვუსურვებთ

ლოცავ უნივერსიტეტის რექტორატსა და ადმინისტრაციას. სიხარულის, ბედნიერებისა და წარმატებების მომტანი ყოფილიყოს 2023 წელი უნივერსიტეტის ცხოვრებაში!

მიხეილ ნიორაძე
პროფესორი, ტსუ-ს მაღალი ენერჯიების ფიზიკის ინსტიტუტის დირექტორი

ძვირფასო კოლეგებო, მიიწერა 2022 წელი თავისი ავით და კარგით. მიუხედავად სიძნელეებისა, ჩვენი უნივერსიტეტი მყარად ინარჩუნებს ფლაგმანის როლს და მაღალ პოზიციებს ჩვენს რეგიონში. ეს იმედს იძლევა, რომ მომავალი წელი უფრო წარმატებული იქნება. თბილისის სახელმწიფო უნივერსიტეტს ხომ განსაკუთრებული დატვირთვა აქვს, ის არა მარტო განათლებისა და მეცნიერების კერაა, არამედ ქართული სულიერებისაც. ვუსურვებ უნივერსიტეტს წარმატებებს, განვითარებას და იმ ტრადიციების ერთგულებას და შენარჩუნებას, რამაც დღემდე მოგვიყვანა.

ყველა უნივერსიტეტელს გულითადად გილოცავთ დამდეგ შობა-ახალ წელს. გისურვებთ

სურვებთ ჯანმრთელობას, სიხარულს, მხნეობას. ვუსურვებ სტუდენტებს ახალგაზრდული ენერჯის და ნიჭის სწორი მიმართულებით გამოყენებას, აკადემიურ და სამეცნიერო პერსონალს — შემოქმედებით ნინსვლას, ადმინისტრაციას — წარმატებებს და უნივერსიტეტისთვის სასარგებლო სიახლეების მოძიებას.

უსაფრთხო და მშვიდობიანი ყოფილიყოს მომავალი წელი თქვენთვის, თქვენი ოჯახებისთვის და სრულიად საქართველოსთვის!

ნანა მაჭაპარიანი,
თბილისის სახელმწიფო უნივერსიტეტის ასოცირებული პროფესორი, არნოლდ ჩიქობავას სახელობის ენათმეცნიერების ინსტიტუტის დირექტორი, ფილოლოგიის მეცნიერებათა დოქტორი

ვულოცავ ჩვენს დედაუნივერსიტეტს ახალ, 2023 წლის დადგომას! ჩვენს პროფესორ-მასწავლებლებსა და სტუდენტობას ვუსურვებ მშვიდობიან სასწავლო გარემოს და ახალ-ახალ შემოქმედებით მიღწევებს!"

ლაშა ბრეგვაძე,
თინათინ წერეთლის სახელმწიფო საპარტოლის ინსტიტუტის ხელმძღვანელი

პირველ რიგში, ჩემს უნივერსიტეტს ვუსურვებ მეტ ავტონომიას და მეტ წარმატებას საერთაშორისო ასპარეზზე. მინდა, უფრო მჭიდრო კომუნიკაცია იყოს სტუდენტებსა და პროფესორებს შორის საინტერესო გამოცდილების გაზიარების მიზნით. მინდა, მეტად ვითარდებოდეს კრიტიკული აზროვნება როგორც სტუდენტებში, ასევე — პროფესორებში. აი, ამას ვუსურვებდი ჩემს უნივერსიტეტს და მის ყველა გულშემატკივარს!

ტსუ-ს პროფესორთა საახალწლო სურვილები

მე-3 მ-დან

მერმისის მოლოდინი ასულდგმულებს და აძლიერებს ადამიანს. ახალ, 2023 წელს, დედაუნივერსიტეტს ვუსურვებ მშვიდობიან, სტაბილურ გარემოში საქმიანობას და მსოფლიო უნივერსიტეტების საერთაშორისო რეიტინგში მოპოვებული მოწინავე პოზიციის შენარჩუნება-განმტკიცებას.

უნივერსიტეტს ასევე ვუსურვებ იმ პატივისცემისა და სათუთი დამოკიდებულების დაბრუნებას, რითაც ყოველთვის იყო გამორჩეული საქართველოში, რამეთუ თითოეული ჩვენგანის წარმოდგენაში იგი არა მხოლოდ მეცნიერებისა და უმაღლესი განათლების წამყვანი კერაა, არამედ ქართველი ხალხის თვითმყოფადობის, უშრეტე ენერჯის, ოპტიმიზმის და უწყვეტი პროგრესისკენ სწრაფვის სიმბოლოა.

ბივი ბაღინაშვილი
ტსუ-ს ეკონომიკისა და ბიზნესის ფაკულტეტის ასოცირებული პროფესორი, ეკონომიკურ მეცნიერებათა დოქტორი

2022 წელი საქართველოსთვის, ისევე როგორც მსოფლიოსთვის, იყო რთული და არაერთგვაროვანი. ჩვენმა ქვეყანამ მოახერხა პანდემიის ორი ურთულესი 2020-2021 წლის შემდეგ, ეს 2022 წელიც საკმაოდ პოზიტიურად, ეკონომიკისა და სოციალური სფეროს განვითარების შემდგომი წლებისთვის კარგი სასტარტო პოზიციით დაესრულებინა. ჩვენმა უნივერსიტეტმა, როგორც შეფერება რეგიონში ნომერ

პირველ უნივერსიტეტს, ღირსეულად გართავთ თავი წლის გლობალური ხასიათის სირთულეებს განვითარების მისთვის ჩვეული ნაბიჯებით.

ახალი 2023 წელი გლობალური კონტექსტით, სამწუხაროდ, ვერ იქნება უფრო მეტად გარკვეული და მშვიდი, ვიდრე იყო 2022. მინდა, ვუსურვო თბილისის სახელმწიფო უნივერსიტეტის მრავალრიცხოვან გუნდს, პროფესორებს, ადმინისტრაციას და განსაკუთრებით სტუდენტებს, მომავალი 2023 წელი ყოფილიყოს ახალი წარმატებების წელი. მიუხედავად მოსალოდნელი გლობალური გამოწვევებისა და შესაძლო ახალი სირთულეებისა, მრავალდროული ყოფილიყოს ჩვენი უნივერსიტეტისთვის ტრადიციულად უმაღლეს შედეგებზე ორიენტირებული ახალი ნაბიჯები სწავლისა და სამეცნიერო კვლევების სფეროებში.

განსაკუთრებით მინდა მივულოცო ახალი 2023 წელი ჩემს მშობლიურ ეკონომიკისა და ბიზნესის ფაკულტეტს, რომელსაც 2022 წელს შეუსრულდა დაარსებიდან 100 წელი. ვუსურვებ დამდეგ ახალ წელს ჩემს მეგობრებს, კოლეგებს და ფაკულტეტის ყველა სტუდენტს ჯანმრთელობას, სიხარულს და ახალ შემოქმედებით მიღწევებს.



ტსუ-ს სპორტული და ზემოქმედებითი მიღწევები

საქართველოს უნივერსიტეტის ჩემპიონი ფუტსალში, საქართველოს ფუტსალის ლიგა 2-ის ლიდერი, გოგონათა გუნდის მე-3 ადგილი, ხოლო ვაჟთა გუნდის მე-2 ადგილი უნივერსიტეტის ფრენბურთში, საქართველოს საკალათბურთო სუპერლიგის ნახევარფინალი, თსუ ანსამბლის წარმატებული ტურნეები ესპანეთში, სომხეთში, თურქეთში, არაბთა გაერთიანებულ საამიროებში — ეს იმ წარმატებების არასრული ჩამონათვალია, რომელსაც თსუ-ს სპორტულმა და სახელოვნებო გუნდებმა 2022 წელს მიაღწია.

სპორტისა და კულტურის სხვადასხვა სფეროებში მიღწევებისა და ამ უთხით თსუ-ში მომავალ წელს დაგეგმილი აქტივობების შესახებ ისაუბრა თსუ-ს რექტორის მოვალეობის შემსრულებელმა ჯაბა სამუშიამ. მისი თქმით, „უნივერსიტეტში არსებული ტრადიცია, რომელიც ახალგაზრდების ჯანსაღი ცხოვრების წესის ხელშეწყობას გულისხმობს, წარმატებით გრძელდება და მომავალში თსუ-ს სტუდენტებს კიდევ მეტი ხელშეწყობა ექნებათ. თუნდაც ის ფაქტი, რომ ეროვნული საკალათბურთო თუ ფუტსალის ნაკრები გუნდები თსუ სპორტსმენებით არის დაკომპლექტებული, ნიშნავს იმას, რომ უნივერსიტეტში დიდი ყურადღება ეთმობა ამ საკითხს.“

თსუ-ს კანცლერის ლაშა სალინაძის თქმით, უნივერსიტეტი მომავალ წელს თსუ სპორტული და შემოქმედებითი ჯგუფებისთვის საჭირო ინვენტარის განახლებას გეგმავს. შეიქმნება სარეპეტიციო სივრცე და ხმისჩამწერი სტუდია უნივერსიტეტის სტუდენტებისათვის, სადაც თითოეულ სტუდენტს ექნება შესაძლებლობა გამოავლინოს საკუთარი ნიჭი.



თსუ სპორტისა და კულტურის დეპარტამენტის თავმჯდომარემ ირაკლი ხარჯავანიძემ თსუ სპორტული გუნდების ხელშეწყობის გაძლიერებასა და მომავალ წელს საერთაშორისო ტურნირებში მონაწილეობაზე ისაუბრა. „ამავე დროს, ვაპირებთ, დავაარსოთ სტუდენტური თეატრალური კლუბი, რომელიც ორგანიზებას გაუწევს თეატრალური სივრცის მაქსიმალურ გაჯანსაღებას უნივერსიტეტში, იქნება ეს თეატრალური ფესტივალების გამართვა, ტალანტების მოძიება თუ სხვა“, — აღნიშნა ირაკლი ხარჯავანიძემ.

კულტურისა და სპორტის მიმართულებით საუნივერსიტეტო მიღწევების ანგარიშის პრეზენტაცია დაეწინაურა იმ სპორტული და შემოქმედებითი ჯგუფების წარმომადგენლები, რომლებსაც ადმინისტრირებას კულტურისა და სპორტის დეპარტამენტი უწევს, ასევე უნივერსიტეტის ადმინისტრაციის წარმომადგენლები, სტუდენტები. ღონისძიების ბოლოს საზოგადოების წინაშე წარდგა უნივერსიტეტის ვაჟთა ვოკალური ანსამბლი და კაპელა.

რამაზ გახოკიძე: ჩვენ ხოსომოს ვერ „მოვატყუებთ“

რამაზ გახოკიძის სახელობის თბილისის სახელმწიფო უნივერსიტეტის ბიოორგანული ქიმიის კათედრის გამგის, ბიოორგანული ტექნოლოგიების ინსტიტუტის დირექტორის, სახელმწიფო, ეროვნული, მედიკოვილის და სხვა პრესტიჟული პრემიების ლაურეატის, აშშ-ის საქართველოს (ორჯერ) და აშშ-ის ღირსების ორდენების მფლობელის, საერთაშორისო საინჟინრო აკადემიის აკადემიკოს რამაზ გახოკიძის ყველა დღე „ახალი“, „ნამდვილი ახალი წლის“ დადგომა კი იმიტომ უხარია, რომ უფრო მეტი დრო აქვს და თავისუფლად მუშაობს. გასული წელი განსაკუთრებით მნიშვნელოვანი იყო იმ კუთხითაც, რომ საქართველოს მეცნიერებათა ეროვნული აკადემიის ნამდვილ წევრად აირჩიეს. ამ და კიდევ სხვა მრავალი რეგალიის მიუხედავად, როგორც თავად აღნიშნავს, ყველაზე ძვირფასი სიმბოლოა და უფრო მეტ პასუხისმგებლობას გრძნობს. იგი ამბობს, რომ მეტი თავდადება და შრომა საჭირო ეროვნული მეცნიერების გასაერთაბლად, რადგანაც, მესამე ათასწლეული ახალი გამოწვევებით არის სავსე და ამისთვის საჭიროა მეცნიერების სფერო გაერთიანდეს და გადაიჭრას პრობლემები — იქნება ეს შიმშილი, გლობალური დათბობა, ეკოლოგია და სხვა.

ახალი წლის დღესასწაულს რამაზ გახოკიძე ტრადიციულად, ოჯახის წევრებთან, შვილებთან და შვილიშვილებთან ხვდება, მათთვის ფორტუნიანოზეც სიამოვნებით ასრულებს სხვადასხვა კომპოზიციას... ოჯახის მეკვლე დიდი ხნის მანძილზე მეგობარი იყო, ახლა ეს „მისია“ შვილიშვილმა გადაიბარა და ამბობს, რომ „კარგი ფეხი“ აქვს. ცრუ რწმენების არ სჯერა, მაგრამ ღიმილით იხსენებს — როგორ დაადო დაბადებისას მამამ ქიმიის სქელი ნიგნი შუბლზე და თავად კი შვილიშვილს — თავისი ნიგნი „გზა ხსნისა“... ამ ყველაფერმა კი ნამდვილად გაამართლა...

ოჯახის ინსტიტუტი მეცნიერისთვის მნიშვნელოვანია და მისთვის უფრო ფართო მცნებაა: უპირველეს ყოვლისა კი ოჯ-



ახი მისთვის კერიის სიტბოსთან ასოცირდება: „კერა ცენტრალური ადგილია სახლისა, სადაც ანთია ცეცხლი და რომლის გარშემო თავს იყრიან ოჯახის წევრები, რათა ყოველ დღე ამ ცეცხლზე მოხარშული და შემწვარი საქმელი ჭამონ. ზამთრის სიცხეში სხეული გათბონ. პირველი ოჯახი, ახლანდელი გაგებით, გაჩენილია კერაზე დანთებული ცეცხლის გამო. უცეცხლოდ, უკერძოდ ძველმოდური ოჯახი წარმოუდგენელი იყო“.

შეუძლებელია ცნობილ მეცნიერს სიტყვაზე არ ვენდოთ, რომელიც ამბობს, რომ ყველა სიტუაციაში განწყობა მნიშვნელოვანია და თურმე განწყობა მოლეკულურად კი აქვთ, ამიტომ ნამაღვ ალარ დაგვირდება, თუ ერთმანეთს შევიყვარებთ და სიკეთეს ვუსურვებთ.

„ყველანაირი ურთიერთობა განწყობიდან იწყება, ამიტომაც აქვს საახალწლო განწყობას დიდი მნიშვნელობა... სუფრაზე რომ ერთმანეთს ადღეგრძელებენ, ამასაც თავისი დადებითი მხარე აქვს — მთავარია, ყველაფერი სუფთა გულით იყოს ნათქვამი, რადგან ჩვენ კოსმოსს ვერ „მოვატყუებთ“... „სიტყვა გავლენას ახ-

დენს ბიოქიმიურ პროცესებზე, რაც, თავის მხრივ, აისახება უჯრედების და, ზოგადად, მთელი ორგანიზმის მუშაობაზე“.

წინასახალწლოდ მეცნიერი შეგვახსენებს, რომ „სიტყვები ყველაფერზე მოქმედებენ — ნყლის, საკვების სტრუქტურა იცვლება იმის მიხედვით, თუ რა განწყობით მივიღებთ — ეს რეალური ცდების შედეგია. ასე რომ, კეთილგანწყობა უმნიშვნელოვანესია და თუ ჩვენ გავერთიანდებით, ვერაფერი მოგვერევა და არაფრის შეგვეშინდება. ისიც ხომ ცნობილია, რომ შეყვარებული ადამიანები არ ავადდებიან, ნაკლებად ემართებათ ინფექციური დაავადებები, ჩვენ კი ხშირად ვიღებთ გარედან ისეთ ემოციებს, რომლებიც ხელს გვიშლიან და არაფერში გვჭირდება. ადამიანი, როდესაც კეთილ საქმეს აკეთებს, თავის ჯანმრთელობასაც ეხმარება, რადგან ამით სიამოვნებას იღებს და მშვიდდება, იყინებს საკუთარ პრობლემებს. ამ დროს დიდი რაოდენობით გამოშვებული სინარული სპორმონი და ძლიერდება იმუნიტეტი“, — ამბობს რამაზ გახოკიძე.

რაც შეეხება სურვილებს და ოცნებებს, აქაც მისი რჩევები საინტერესო და

გასათვალისწინებელია: „ქვეყნის გადარჩენა ორი გზით შეიძლება: განათლებით და ქვეყნის სიყვარულით... ჩვენს საზოგადოებას სჭირდება ფართო ჰუმანიტური ერუდიციის მქონე, მაღალი ზნეობის ადამიანები... ჩვენს ახალგაზრდობას ვუსურვებ წვას და არა ანარეკლით ნათებას, ყოფილიყოს ჩვენი ეპოქის ღირსეული თაობა, რომელსაც არ ეშინია დაბრკოლებების და მზად არის — გადალახოს ყოველი სიძნელე ქვეყნად სიმათლისა და მშვიდობის დასამკვიდრებლად. ჩემთვის დიდი პატივია მომავალთან, ახალგაზრდებთან ურთიერთობა, რადგან სამყარო არ განვითარდებოდა, რომ არ ყოფილიყო ახალგაზრდა თაობა. ყოველთვის მომავალი უკეთესი უნდა იყოს — ეს არის პროგრესის მნიშვნელობა და ძალა“.

რამაზ გახოკიძე მომავალს იმედის თვალთ უყურებს: „ხშირად, როცა გვგონია, რომ ცხოვრება დასასრულისკენ მიდის და ხსნას არსაიდან ელი, სწორედ მაშინ გამოჩნდება იმედის ნაპერწკალი, შუა ზამთარში, როცა ყველაზე მკაცრი სუსხი დგება, ყინვისგან შენუხებულ ბუნებაში იმედი იბადება. დღე უმუშრეველად იწყებს მატებას, იბადება იმედი სინათლისა სიბნელეზე, სიკეთისა ბოროტებაზე, მეცნიერების უმეტრებაზე უეჭველი გამარჯვებისა, უკუნეთი სიბნელე მზის ამოსვლის მაცნეა... ასე რომ, ადამიანებს ისე არაფერი ვნებს, როგორც ნიშილიზმი და უიმედობა... ბედნიერებაა ურყევი რწმენით მოპოვებული გამარჯვება და უბედურებაა ლანგრით მორთმეული „ბედნიერება“. თუ მაქსიმალურად გამოვიყენებთ ქართულ პოტენციალს, მაშინ შორს არაა ის დრო, როდესაც ჩვენი ქვეყანა მსოფლიო ცივილიზაციის თანაგარსკვლავედში გაბრწყინდება. არ მოგვკლებოდეს მშვენიერების ქმნისა და ბუნების მშვენიერებასთან ზიარების უნარი“.

P.S.
ინტერვიუს აღების დროს შემოვიღეთ ნ. კოლის მოსწავლეები, რომელთა თხოვნით პროფესორ რამაზ გახოკიძესთან მორიგი შეხვედრა იყო დაგეგმილი, რის გამოც ჩანერა შევწყვიტეთ.

როგორ ხელავენ ევროპული მხარეები ქართულ რეალობას – ენა ვარდოშვილის ახალი მონოგრაფია

„ქართულ-ევროპული ლიტერატურული ურთიერთობები“ (ქართულ-ევროპული ლიტერატურული ურთიერთობები XIX საუკუნეში) – „Georgian-European literary relations“ (Georgian-European Literary relations in the 19 th century) – ამ სახელწოდებით 2022 წელს LAP LAMBERT Academic Publishing-ის აკადემიური გამოცემლობის მიერ ბერლინში გამოიცა ჰუმანიტარულ მეცნიერებათა ფაკულტეტის ასოცირებული პროფესორის ეკა ვარდოშვილის მონოგრაფია, რომელშიც ნაჩვენებია, თუ როგორ არის დანახული ევროპულ მწერალთა და მეცნიერთა მიერ საქართველო. ნიგნში დეტალურად არის განხილული, თუ როგორ ხედავენ ევროპელი მწერლები ქართულ რეალობას და რას მიიჩნევენ ქართველთა იდენტობის ძირითად მახასიათებლებად. ამ კუთხით განხილულია ჟან შარდენის, ალექსანდრე დიუმას, სერ ოლივერ უორდოშის, არტურ ლაისტის საქართველოსა და უცხოეთში გამოცემული

„თუ ისტორიას გავხედავთ, დაინახავთ, რომ სწორედ ევროპიდან შემოდი-

შრომები. მნიშვნელოვანია, რომ ევროპული ავტორები ცდილობენ – განიხილონ ქართველთა იდენტობის საკითხები ევროპულთან მიმართებაში, რათა საქართველოს სათანადო ადგილი მიუჩინონ ევროპულ ოჯახში.

ეკა ვარდოშვილის ინფორმაციით, ნაშრომში ასევე საუბარია იმის შესახებაც, თუ რა საერთო ტენდენციები და სახის-მეტყველების ფორმები ახასიათებს ქართულ და ევროპულ ლიტერატურას, ასევე იმაზეც, რომ XIX საუკუნის ქართული ლიტერატურა ეფუძნება როგორც ეროვნულ, ასევე, ევროპულ ლიტერატურულ ტრადიციებს და საზოგადოებრივ სისტემას.

„თუ ისტორიას გადავხედავთ, დაინახავთ, რომ სწორედ ევროპიდან შემოდი-

ოდა ის დემოკრატიული ღირებულებები, რაც დაკავშირებული იყო სახელმწიფოებრივ აზროვნებასთან, რაც ყველაზე მეტად ილია ჭავჭავაძის შემოქმედებაში აისახა“, – ამბობს მეცნიერი.

მონოგრაფიის პირველ თავში – „საქართველო ევროპულ ლიტერატურულ-საზოგადოებრივ აზროვნებაში“ – საუბარია იმის შესახებ, თუ როგორ არის დანახული ევროპულ მწერალთა და მოგზაურთა მიერ საქართველო. ამ კუთხით განხილულია ჟან შარდენის, ალექსანდრე დიუმას, სერ ოლივერ უორდოშის, არტურ ლაისტის საქართველოსა და უცხოეთში გამოცემული შრომები. მეორე თავში – „საერთო ტენდენციები ქართულ და ევროპულ პოეზიაში“ – საუბარია იმის შესახებ, თუ რა საერთო ტენდენციები და სახისმეტყველების ფორმები ახასიათებს ქართულ და ევროპულ ლიტერატურას, რომ XIX საუკუნის ქართული ლიტერატურა ეფუძნება როგორც ეროვნულ, ასევე ევროპულ ლიტერატურულ ტრადიციებსა და საზოგადოებრივ სისტემას. ყურადღება ეთმობა ცნობილი უნგრელი პოეტის შანდორ პეტეფის ლექსს „მერანს“ და მისი მიმართების საკითხს ნიკოლოზ ბარათაშვილის „მერანთან“. ნაჩვენებია, რომ ცის სახისმეტყველება, როგორც ხილულის, ასევე უხილავის დამახასიათებელია ქართველ და ევროპულ პოეტთა ლირიკული ქმნილებებისათვის და მათ საერთო ბიბლიურ-ქრისტიანული საფუძვლები აქვთ. ამ კუთხით განხილულია ბარათაშვილის, ბაირონის, ჰაინეს, ლეოპარ-

დის, შილერის, გოეთეს, ალ. ჭავჭავაძის და სხვათა პოეზია.

მესამე ნაწილში – „დასავლური ღირებულებები ილია ჭავჭავაძის შემოქმედებაში“ ავტორი განიხილავს პიერ ჟან ბერანჟეს „განდევილს“, როგორც ილია ჭავჭავაძის „განდევილის“ ერთ-ერთ ლიტერატურულ პარალელს. ევროპიდან შემოდიოდა ის დემოკრატიული ღირებულებები, რაც დაკავშირებული იყო სახელმწიფოებრივ აზროვნებასთან, რაც ყველაზე მეტად ილია ჭავჭავაძის შემოქმედებაში აისახა.

აღსანიშნავია ის ფაქტიც, რომ მონოგრაფიაში განხილულია მთელი რიგი საკითხები, რომლებიც ქართულ ლიტერატურათმცოდნეობაში შესწავლილი არ არის, ამდენად, ნიგნი ამ კუთხითაც მნიშვნელოვანი და საყურადღებოა. ნაშრომის მიზანია – გარკვეული როლი შეასრულოს ქართულ-ევროპულ კულტურულ ურთიერთობათა განვითარებაში.





სტუდენტური ფურცელი



რა საახალწლო სურვილები აქვთ თსუ-ს სტუდენტებს?

ნაბო მობლაძე

თაკო მანთიძე, მედიცინის ფაკულტეტის IV კურსის სტუდენტი: „მედიცინის ფაკულტეტზე პროგრესი იგრძნობა, მორფოლოგიის ინსტიტუტში, სადაც სალექციო პროცესი მიმდინარეობს, შიდა და გარე სარემონტო სამუშაოები ტარდება. სტუდენტებისთვის მოსასვენებელი სივრცეც მოეწყო, თუმცა, ვისურვებდი — უფრო დიდი იყოს, რომ ყველა კომფორტულად მოთავსდეს.“

რაც შეეხება სწავლას, მე-4 კურსზე ვარ და, ძირითადად, კლინიკებში გვიტარდება ლექცია-სემინარები: ჩაფიქვ, ამერიკული და სხვა. ეს პროცესი საინტერესოა, თუმცა ვიტყვი, რომ ადმინისტრაციული კუთხით უკეთეს დაგეგმვას საჭიროებს. ვისურვებდი, რომ სტუდენტებისთვის, განსაკუთრებით მათთვის, ვინც მუშაობს, მეტი ხელშეწყობა იყოს.“

ასევე, ვისურვებდი, რომ უნივერსიტეტში მედიცინის მიმართულებით მეტი სტუდენტური სამეცნიერო კონფერენცია ტარდებოდა, რომელშიც მონაწილეობის მიღებასა და შემდეგ ნაშრომების გამოქვეყნებას შეეძლებოდა.“

ლუკა ჯინჭარაძე, ჰუმანიტარულ მეცნიერებათა ფაკულტეტის ამერიკისმცოდნეობის სამაგისტრო პროგრამის I კურსის სტუდენტი: „საახალწლო სურვილის ჩაფიქრება ყოველთვის სასიამოვნო პროცესია, მით უფრო მაშინ, როდესაც მისი ასრულების რეალური პერსპექტივა არსებობს. თბილისის სახელმწიფო უნივერსიტეტში უამრავი სტუდენტი თუ პროფესორ-მასწავლებელია, რომლებიც სწავლა-სწავლების გაუმჯობესების მიზნით უამრავ სურვილს ჩაიფიქრებდნენ.“

როგორც ამავე უნივერსიტეტის სტუდენტი და დიდი გულშემატიკი ვარი, გამოვყოფ რამდენიმე ფაქტორს, რომელიც ჩემთვის ყველაზე მარტივად ასასრულებელი და ამავე დროს ძალიან მნიშვნელოვანია: პირველი, აუდიტორების მინიმალური აღჭურვა პროექტორებით. ეს პრობლემა განსაკუთრებით ეხება ისეთ შედარებით პატარა კორპუსებს, როგორც არის V და VI კორპუსები. უნივერსიტეტის პირველ კორპუსში ეს პრობლემა დიდად არ დგას — ძირითადად, ყველა აუდიტორია აღჭურვილია, თუმცა ხშირად ხარვეზით მუშაობს. რაც შეეხება V კორპუსს, იქ აღჭურვის საკითხი უფრო მძიმედ დგას. აღსანიშნავია ის გარემოებაც, რომ ეს კორპუსი უამრავ ენის ცენტრს იტევს და უცხოური ენის სწავლების პროცესში პროექტორის, როგორც მნიშვნელოვანი ინსტრუმენტის, გამოყენება, უმნიშვნელოვანესია. ვიზუალიზაცია ბევრად უფრო ნაყოფიერ შედეგს იძლევა, როგორც პროფესორ-მასწავლებლის, ასევე, სტუდენტისთვის ენის სწავლის პროცესში. რასაკვირველია, გარკვეულ აუდიტორიებში პროექტორი არის, მაგრამ შენობის დიდ ნაწილში ის უბრალოდ



ხათუნა ბოჭორიშვილის ნახატი

არ არსებობს. მეორე — კონდიციონერების სისტემა. ვგულისხმობ ხელოვნური გაგრილების საშუალებას, ე.წ. კონდიციონერებს. მოგეხსენებათ, უნივერსიტეტში სწავლა, ფაქტობრივად, ივლი-სამდე გრძელდება და საბაკალავრო თუ სამაგისტრო ნაშრომების დაცვაც ამ დროს მიმდინარეობს. თბილისის ძლიერი სიცხეების გამო ძალიან ძნელია აუდიტორიაში მუშაობა. საჭიროა შიდა გაგრილების სისტემის მონტაჟი, რომელიც შედარებით ძვირია, მაგრამ აუცილებელია, რათა სასწავლო თუ კვლევით პროცესში ჩართულ პერსონალსა თუ სტუდენტებს მუშაობა გაუმარტივდეთ.“

ფიქრობ, ყველაფერი განხორციელდება, ეს კი იმ სურვილების სიის ნაწილია, რომელიც ამ უნივერსიტეტის კეთილსმსურველებს გვაერთიანებს.“

გვანცა მობლაძე, ჰუმანიტარულ მეცნიერებათა ფაკულტეტის III კურსის სტუდენტი: „ვისურვებდი, რომ თბილისის სახელმწიფო უნივერსიტეტს ჰქონდეს კარგი სტუდენტური გაცვლითი პროგრამები იაპონიის უნივერსიტეტებთან. მიუხედავად იმისა, რომ იაპონური ენის შესწავლა თსუ-ში შესაძლებელია, სტუდენტები ვერ ახერხებენ მიღებული ცოდნის პრაქტიკულ გამოყენებასა და განვითარებას. სტუდენტურ გაცვლით პროგრამებში მონაწილეობის მიღება თსუ-ს სტუდენტებს ცოდნის გაღრმავებაში და, ამავე დროს, საქართველოს იაპონიასთან საგანმანათლებლო, კვლევითი და კულტურული კავშირების გაღრმავებაში დაეხმარებოდა. იაპონიის

უნივერსიტეტებთან კავშირების დამყარება იაპონიის ენითა და კულტურით უფრო მეტი ქართველი ახალგაზრდის დაინტერესებასაც განაპირობებდა.“

ნიკო პაქსაშვილი, სოციალურ და პოლიტიკურ მეცნიერებათა ფაკულტეტის IV კურსის სტუდენტი: „ვისურვებდი, რომ თბილისის სახელმწიფო უნივერსიტეტის ადმინისტრაციის კომუნიკაცია სტუდენტებთან გაღრმავდეს. განსაკუთრებით ვგულისხმობ პირველ კურსელებს, რომლებიც პირველ სემესტრში სწავლისას დაბნეულები არიან და უჭირთ საუნივერსიტეტო გარემოში ორიენტირება.“

ნიკიტა ცხაპანიძე, სოციალურ და პოლიტიკურ მეცნიერებათა ფაკულტეტის III კურსის სტუდენტი: „ვისურვებდი, რომ მოგვარდეს სილაბუსების პრობლემა, უმეტეს საგნებში ატვირთული სილაბუსები ბუნდოვანია და მკაფიოდ არ არის განერილი — თუ რა აქტივობაში რა ქულა იწერება. ეს სტუდენტებისთვის ძალიან მნიშვნელოვანია, რადგან სილაბუსი არის ორიენტირი, თუ რას უნდა მიაქციონ მათ სემესტრის განმავლობაში ყურადღება და რას ითვალისწინებს კონკრეტული სასწავლო კურსი.“

ასევე ვისურვებდი, რომ სოციალურ და პოლიტიკურ მეცნიერებათა ფაკულტეტის სტუდენტებს ერთ კონკრეტულ კორპუსში ჰქონდეთ ლექციები და მონერიგდეს, ან ახალი კორპუსით ჩანაცვლდეს თსუ-ს VI კორპუსი, რომელიც მოძველებულია, სტუდენტური სივრცე

პატარაა, არ არის ნორმალური განათება... ვფიქრობ, ახლა თუ დაინწყება ამ საკითხის მოგვარებაზე მუშაობა, ვითარება აუცილებლად გამოსწორდება.“

ბრიგორი სანატაშვილი, ჰუმანიტარულ მეცნიერებათა ფაკულტეტის IV კურსის სტუდენტი: „ჩემი დიდი სურვილია, რომ სტუდენტური სივრცეებისა და მათში განთავსებული ავეჯის რაოდენობა გაიზარდოს, რაზეც, როგორც ვიცი, უკვე მიმდინარეობს მუშაობა. ასევე, ძალიან მინდა განხორციელდეს პირველი კორპუსის მიმდებარე ტერიტორიაზე არსებული ხევის რეკონსტრუქცია და ამ პროცესში აქტიურად ვიყო ჩართული. ჩემთვის ცოცხალია, რომ კონკრეტული პროექტი უკვე არსებობს, რომლის მიხედვითაც ხევის ადგილზე გამწვანებული სივრცე მოეწყობა, სადაც მედიათეკაც განთავსდება და სტუდენტებს სალექციო პერიოდში თავისუფალი დროის გატარება შეეძლებათ.“

დათო შუბინიძე, ზუსტ და საბუნებისმეტყველო მეცნიერებათა ფაკულტეტის II კურსის სტუდენტი: „ჩემი სურვილია ე.წ. განივი და მაღლივი კორპუსების მიმდებარე ტერიტორიაზე გამწვანებისა და სტუდენტური სივრცეების მოწყობა, სადაც სტუდენტები თავისუფალი დროის გატარებას შეეძლებათ. ასევე, აუცილებელია ე.წ. განივი კორპუსის შიდა ინფრასტრუქტურის განახლება.“



რა საახალწლო სურვილები აქვთ თსუ-ს სტუდენტებს?

ა-7 გვ-და

ანა ფურცელაძე, განათლებისა და ფსიქოლოგიის მეცნიერებათა ფაკულტეტის IV კურსის სტუდენტი: „ვი-სურვებდი თბილისის სახელმწიფო უნივერსიტეტის სტუდენტური საერთო საცხოვრებლების პრობლემის მოგვარებას. ვიცი, რომ ამ საკითხზე მუშაობა გრძელდება, თუმცა ეს ჩემი მთავარი სურვილია, რომ რეგიონებიდან ჩამოსულ სტუდენტებს ბინის დაქირავების პრობლემა მოეხსნათ.“

ასევე, ვისურვებდი, ე.წ. მაღლივი და განივი კორპუსების გარემონტებასა და შიდა ინფრასტრუქტურის გაუმჯობესებას. რაც შეეხება ჩემს კორპუსს, მესამე კორპუსი ამ კუთხით მონესრიგებულია და, ასევე, მიმაჩნია, რომ საუკეთესო ფაკულტეტი საქართველოში როგორც ადმინისტრაციული მომსახურების, ასევე, სწავლის მიმართულებებით.“

მარიამ შენგელია, ეკონომიკისა და ბიზნესის ფაკულტეტის II კურსის სტუდენტი: „მაღლივის კორპუსში ჩართული გათბობა არასაკმარისია ასეთი დიდი შენობისთვის, ამიტომ ცივ ამინდებში ბევრი სტუდენტი ერიდება ლექციებზე მოსვლას. ვფიქრობ, რომ სტუდენტური სივრცეებიც უნდა გაიზარდოს, რადგან

სტუდენტების რაოდენობასთან შედარებით არასაკმარისია. ასევე, კორპუსში დამონტაჟებული დენცქეიტები ძველია და ახალი ტექნიკის მათი საშუალებით დატენვა შეუძლებელია.“

ელენე ბერიანიძე, ეკონომიკისა და ბიზნესის ფაკულტეტის II სტუდენტი: „მაღლივი კორპუსის ტერიტორიაზე ძალიან მნიშვნელოვანი პრობლემაა საკვები ობიექტი, სტუდენტებს უნევთ ტერიტორიის დატოვება. ასევე, სტუდენტურ სივრცეებში, კარგი იქნებოდა, სამაგიდო თამაშებისთვის საჭირო ინფრასტრუქტურა დაიდგას, ლექციებს შორის დასვენებებზე დროს უფრო საინტერესოდ გავატარებდით. ასევე, დიდი პრობლემაა გათბობა. იმედი მაქვს, ეს სურვილები ასრულდება.“

ირაკლი ჯანაჯღაძე, იურიდიული ფაკულტეტის სტუდენტი: „ვისურვებდი მეტ დასასვენებელ სივრცეს უნივერსიტეტში და ასევე, ტკბილეულისა და სასმელების აპარატების შენობაში განთავსებას, რადგან დასვენებაზე ხშირად გარეთ გასასვლელად დრო არ გვყოფნის. ასევე, ვისურვებდი მეტ საახალწლო მორთულობას უნივერსიტეტში.“

ანა მიქაძე, იურიდიული ფაკულტეტის IV კურსის სტუდენტი: „გარდა იმისა, რომ მეორე კორპუსში მეტი სტუ-

დენტური სივრცე გეჭირდება, მიმაჩნია, რომ აუცილებელია იყოს მედპუნქტი, რადგან იყო შემთხვევა, როდესაც სტუდენტი შეუძლოდ გახდა და სასწრაფოს გამოძახება მოგვინია.“

სტუდენტებისთვის, ასევე, მნიშვნელოვანია, რომ ბიბლიოთეკის სამუშაო საათები გაიზარდოს.“

ანასტასია იაშვილი, თბილისის სახელმწიფო უნივერსიტეტის სტუდენტი: „ვიცი, რომ ახალი წლიდან დაგეგმილია ახალი პროგრამის ამოქმედება, რომელიც lms.tsu.ge-ს ჩაანაცვლებს, დიდი იმედი მაქვს და ჩემი სურვილიც ეს არის, რომ პროგრამამ გამართულად იმუშაოს და მოიხსნას ის პრობლემები, რომლებიც საგნების არჩევის დროს არასწორად გადანაწილებული ადგილების რაოდენობისა თუ სხვა მიზეზით გვექმნებოდა.“

ანამარია ხაშიაშვილი, სოციალურ და პოლიტიკურ მეცნიერებათა ფაკულტეტის სტუდენტი: „ვისურვებდი უნივერსიტეტში არსებობდეს კაფეტერია და სივრცე, სადაც სტუდენტებს საშუალება გვქმნება თავისუფალი დრო გავატაროთ, დავისვენოთ და ვისარგებლოთ ნორმალური ინტერნეტით.“

ელენე ბახნია, ჰუმანიტარულ მეცნიერებათა ფაკულტეტის სტუდენტი:

„ასეთი საახალწლო საუნივერსიტეტო სურვილები მაქვს: გაიხსნას კაფეტერია სტუდენტებისთვის მისაღები ფასებით და გეჭირდება, ასევე, სპორტული დარბაზი, როგორც კავკასიის პირველ უნივერსიტეტს შეეფერება. ვისურვებდი თსუ-ს ყოველკვირეულ ან ყოველდღიურ სატელევიზიო შოუს, სადაც განხილული იქნება აქტუალური თემები, სადაც სტუდენტებიც ვიქნებოდით ჩართული.“

ანა კორძია, თსუ-ს სტუდენტი: ჩემი საახალწლო სურვილი არის მეტი სტაჟირების პროგრამების არსებობა, რათა სტუდენტებმა შეძლონ უფრო მეტი პრაქტიკული ცოდნის მიღება. ასევე ვისურვებდი უნივერსიტეტში კაფეტერიის გახსნას, სადაც იქნება სტუდენტებზე მორგებული და არა ზედმეტად განელილი ფასები.“

ნინო შავლაძე, თსუ-ს სტუდენტი: საუნივერსიტეტო სივრცეში აუცილებელია სტუდენტ-ლექტორებისათვის განკუთვნილი არე, ამიტომ მივიჩნევ და ჩემი სურვილიც სწორედ ეს იქნება, რომ მსგავსი ადგილი არსებობდეს როგორც დასასვენებლად, ისე საკომუნიკაციოდ. ყოველივე ეს გაამრავალფეროვნებს თუნდაც სტუდენტურ ცხოვრებას.“

ლუკა ქილიფთარი: რაც შეიძლება დიდი მიზნები უნდა გქონდეს და ყოველთვის უნდა ეცადო – განავითარო საუთარი თავი

ლუკა ქილიფთარი თბილისის სახელმწიფო უნივერსიტეტის საერთაშორისო ურთიერთობების მე-4 კურსის სტუდენტია. თსუ-ში სწავლის პერიოდში სამ გაცვლით პროგრამაში მიიღო მონაწილეობა. პირველად 2020-2021 სასწავლო წლის შემოდგომის სემესტრში „ერზამუს+“ პროგრამით გერმანიაში ვიადრინას ევროპულ უნივერსიტეტში ერთი სემესტრით გაემგზავრა პოლიტიკის მეცნიერების შესასწავლად. მოგვიანებით, იმავე პროგრამით, ირლანდიაში ლიმერიკის უნივერსიტეტში ისწავლა. შემდეგ, ლუკამ Global UGRAD-ის ფარგლებში შეერთებულ შტატებში ალაბამას უნივერსიტეტში გაატარა ერთი სემესტრი. სამივე ქვეყნიდან 4.0 GPA-ით ჩამოვიდა.

„ვიცოდი, რომ უცხოეთში სწავლა იქნებოდა მნიშვნელოვანი გამოცდილება, როგორც არაფორმალური უნარების მხრივ, რომელსაც იძენ, როდესაც გარემოს იცვლი, ასევე სწავლის მხრივაც.“

მისი თქმით, საზღვარგარეთ არსებობს ისეთი კურსები, რომლებიც ჩვენთან არ არის. თუმცა პირიქითაც ხდება. სხვადასხვა ქვეყანაში ლექტორებს განსხვავებული მოთხოვნები აქვთ, მრავალფეროვანი დავალებები, რაც მნიშვნელოვანი გამოცდილება იყო. მაგალითად, ამერიკაში, ალაბამას უნივერსიტეტში არსებობს ოფისის საათები. ლექტორები სტუდენტებს შესაძლებლობას აძლევენ ყველანაირ საკითხზე დახმარებით მიმართონ მათ. ყველას საკუთარი კაბინეტი აქვს და ჩანერის შემდეგ (რაც მარტივად, ონლაინ ხდება) შესაძლებელია კითხვით ან რჩევის მისაღებად ეწვიო ლექტორს.

უცხოეთში საუნივერსიტეტო ცხოვრება სავსეა ღონისძიებებით, რომლებიც სტუდენტებს დაახლოების საშუალებას აძლევთ. მაგალითად, ლიმერიკის უნივერსიტეტი ყოველ შაბათ-კვირას სპეციალურ ექსკურსიებს აწყობდა და გაცვლით სტუდენტებს ირლანდიის სხვადასხვა ქალაქის დათვალიერების შესაძლებლობას აძლევდა. ასევე, უცხოურ უნივერსიტეტებში არსებობს უამრავი კლუბი, მაგალითად: პოლიტიკით დაინტერესებულ, ანიმეს მოყვარულთა, ისტორიის მოყვარულთა და სხვა. რამდენიმეში ლუკაც იყო ჩართული. მისი თქმით, მსგავსი კლუბებისა და ღონისძიებ-



ების მეშვეობით უამრავი ახალი მეგობარი შეიძინა და დაინტერესებულ სტუდენტებს ყველაფერს უყვებოდა საქართველოს შესახებ: კულტურაზე, კლიმატზე, ქართულ პოლიტიკაზე. იგი აღნიშნავს, რომ ამერიკელი სტუდენტები განსაკუთრებით ცნობისმოყვარენი აღმოჩნდნენ, ძალიან მონათესაო ქართული ტრადიციული ცეკვები და ფოლკლორული მუსიკა. რაც შეეხება პრობლემებს, ლუკას თქმით, სანციის ეტაპზე ახალ სასწავლო გარემოსთან შეგუება გარკვეულ სირთულეებთანაა დაკავშირებული. ყველა ქვეყანაში განსხვავებული ბიუროკრატიული სისტემაა, რაც საკმაოდ სტრესული და დამაბნეველი შეიძლება აღმოჩნდეს, თუმცა უნივერსიტეტების

შესაბამისი დეპარტამენტები გაცვლით სტუდენტებს განსაკუთრებულ ყურადღებას აქცევენ და მსგავსი სირთულეების გადალახვაში ეხმარებიან.

პოლიტიკა ბევრგვინდებდა აინტერესებდა – როგორც საგარეო, ასევე, შიდა. „თსუ-ს საერთაშორისო ურთიერთობები ყველა-სათვის ცნობილია და ვნახე, რომ წარმატებული სტუდენტები სწორედ აქ აბარებდნენ. შესაბამისად, ჩემმა პოლიტიკისადმი სიყვარულმა და ჩემი უნივერსიტეტის საერთაშორისო ურთიერთობების მიმართულებამ გადამაწყვეტინა ამ ფაკულტეტზე ჩამება-რებინა“, – ამბობს ლუკა.

ახლა იგი საქართველოს გაეროს ასოციაციაში USAID-ის პროგრამის „ერთი-

ანობა მრავალფეროვნებაში“ ასისტენტი. ეთნიკური და რელიგიური თავისუფლების მიმართულებით მუშაობს. მისი თქმით, ეს პროცესი ძალიან საინტერესო და მრავალფეროვანია. უფრო მეტად ამერიკულმა გამოცდილებამ მისცა კარგი საფუძველი, აქ ემუშავა.

ლუკა საკუთარ წარმატებაში თსუ-ს დიდ როლზეც საუბრობს:

„თბილისის სახელმწიფო უნივერსიტეტმა მომცა ის უნარები, რომლებიც შემდეგ საზღვარგარეთ გამოვიყენე. კომფორტის ზონის დატოვება და სტრესული სიტუაცია ძლიერ ადამიანად გვაქცევს. შესაბამისად, რა შესაძლებლობებიც არსებობს, და თსუ უამრავ შესაძლებლობას გვაძლევს, ყველაფერი უნდა გამოვიყენოთ. თსუ-ს საკმაოდ ბევრი გაცვლითი პროგრამა აქვს. გარდა ამისა, აღსანიშნავია, რომ ჩემი უნივერსიტეტი „ერაზმუს+“ პროგრამაში ორჯერ მონაწილეობის უფლებას გვაძლევს, რასაც საქართველოში სხვა უნივერსიტეტების უმრავლესობა არ აკეთებს.“

მისი თქმით, უმნიშვნელოვანესია, რომ სხვა ადამიანებს თავი არ შეგადაროთ: „სხვისი წარმატების შედეგს რომ ხედავ, მარტივია, დაითრგუნო, მთავარია, რომ შენ საკუთარ თავზე უკეთესი იყო. პასუხისმგებლობის გრძნობა მაქვს ძალიან დიდი, ეს, ალბათ, ყველაფერში მეხმარება. როდესაც ჩემს მაქსიმუმს არ ვაკეთებ, შინაგანად ცუდად ვგრძნობ თავს. შენ თავში უნდა იპოვო ძალა. შრომისმოყვარეობა აუცილებელია. გაცნობიერებული უნდა გქონდეს, რომ რაღაცეებში მეორე მანისი არ არსებობს.“

სამომავლო გეგმებს რაც შეეხება, ლუკას საზრუნავი, უპირველეს ყოვლისა, უნივერსიტეტის დამთავრებაა; შემდეგ კი სწავლის კვლავ საზღვარგარეთ გაგრძელება. თუმცა ლუკა ამბობს, რომ საკუთარ მომავალს საქართველოში ხედავს და მისთვის აქ ყოფნა პრიორიტეტულია.

ლიზი შაფათიავა,
თსუ სოციალურ და პოლიტიკურ მეცნიერებათა ფაკულტეტის ურუნალისტიკის და მასობრივი კომუნიკაციების მიმართულების სტუდენტი



სტუდენტური ფურცელი



Liga TSU-ს ზამთრის თასის გოგონებისა და ბიჭების ჩემპიონატების დასკვნითი მატჩები გაიმართა

21 დეკემბერს Liga TSU-ს ზამთრის თასის გოგონებისა და ბიჭების ჩემპიონატების დასკვნითი მატჩები გაიმართა. Liga TSU-ს ზამთრის თასის გოგონების ჩემპიონატში ჰუმანიტარულ მეცნიერებათა ფაკულტეტის სტუდენტების გუნდმა „ფეოლამ“ გაიმარჯვა. ბიჭების ჩემპიონატში პირველ ადგილზე ეკონომიკისა და ბიზნესის ფაკულტეტის გუნდი – „ს.კ. კეთილები“ გავიდა, მეორე ადგილი ჰუმანიტარულ მეცნიერებათა ფაკულტეტის გუნდმა – „რამზესი“ დაიკავა, მესამე ადგილის მფლობელი ზუსტ და საბუნებისმეტყველო მეცნიერებათა ფაკულტეტის გუნდი – „დელმარი“ გახდა.

„Liga TSU – ჩემპიონატი მინიფეხბურთში, თსუ-ს სტუდენტური თვითმმართველობის ცენტრალური სპორტის დეპარტამენტის ორგანიზებით, 2016 წლიდან ტარდება. მნიშვნელოვანია, რომ წელს გაიმართა გოგონების ტურნირიც, რაც თბილისის სახელმწიფო უნივერსიტეტის ისტორიაში პირველი შემთხვევაა. ჩემპიონატები საკმაოდ მაღალ დონეზე ჩატარდა. მომავალი წლის გაზაფხულზე გაიმართება Liga TSU-ს გაზაფხულის თასის ტურნირი“, – აღნიშნა სტუდენტური თვითმმართველობის ცენტრალური სპორტის დეპარტამენტის ხელმძღვანელმა კახი კუჭუხიძემ.



